

Xojon carta xi kitjei-la xita Hebreo

Kós'ín chjako-ná Nainá it'aà ts'e Ki'ndí-la

¹ Nga tisa kjòtseé, jè Nainá kjìn k'a kiichja-la xita jchínga-ná nga jñà kisikjeén xita xi kiichja ngajo-la, nga kjìn skaya tjín-ne kós'ín kiichja-la. ² Tanga i'ndeí, nga tífehet'aà nachrjein, Nainá, jè ki'ndí-la tísikjeén nga tíchjako-ná kò tijè-ne ki'ndí-la kisikjeén nga tsibíndaà isò'nde kò jè kjòngatsja ngats'ìi nga yije tsojmì xi tjín isò'nde. ³ Kò jè Ki'ndí xi okó jè kjoa isén kò kjoa jeya-la Nainá; kò it'aà ts'eé 'ya-ná kó kji kjoàn-ne Nainá. It'aà ts'e nga'ño xi tjín-la 'én-la Cristo síjnangui'ño-la isò'nde. K'e nga jye kitsjaà kjòtjò yijo-la nga kisitsjeè-ná jé-ná, i'kjoàn tsijin ngajmìi nga tsibìjnat'aà chrja kixi-la Nainá. ⁴ Nga jè Ki'ndí-la Nainá tjína ítjòn; isáá 'ño 'nga tjína mì k'oa-ne koni jñà àkjale, koií kjoa-la nga isáá 'ño 'nga tjína jè 'ín xi kitjoé-la.

⁵ Nga jè Nainá, nijngoò k'a k'oas'ín kitsò jngoò-la àkjale:

Ji-né xi ki'ndí-na xan-lè,

'an-ná Na'èn-lè.

Tìkoaá nijngoò àkjale xi kitsò-la:

'Aán koma Na'èn-la,

jè koma ki'ndí-na.

⁶ K'e nga kisikasén ki'ndítjòn-la i isò'nde tìkoaá k'oaá s'ín kitsò:

Ngats'ìi àkjale-na kàteèxkón.

⁷ It'aà ts'e àkjale, k'oaá tsò:

Nainá, maá-la tjo s'ín àkjale-la;

jñà chi'nda-la maá-la nì'ín s'ín.

⁸ Tanga it'aà ts'e ki'ndí-la tsò-né:

Ji-né xi Nainá,

kixíi kotìxomai nìta kjé-né.

⁹ Matsjacha-né kjoa xi ndaà tjín

kò majticha-né kjoa xi ch'o tjín;

koií kjoa-la, 'an xi Nainá 'mì-na xó jaàjìin-lè

nga isa ndaà jchaxkón-lè

mé-ne nga isa tse kjotsja s'e-lè

koni jñà xìta xinguíi xi báhihtako-lè.

¹⁰ Tìkoáá tsò-né:

Ji Na'èn xi Nainá 'mì-lè nga ji otìxomai,

nga sa tàts'en-la kjoa, jíi tsibìndii isò'nde,

tijíi-ne xi tsibìndii ngajmii.

¹¹ Ngaji kijná-né nìta mé nàchrjein-ne.

Tanga jè isò'nde kò ngajmii kjoehet'aà-né;

k'oaá s'ín kojchá koni ma nikje nga ma jchínga.

¹² K'oaá s'ín kíxkóyi koni jngoò x'íó,

k'oaá s'ín sikkatjìyi koni s'ín fatjìya nikje.

Tanga ngaji mì kì kjoatjìya-lè nìta kjé-ne

kò jñà nàchrjein-lè miki kjoehet'aà.

¹³ Nainá nì saà jngoò k'a kitsò-la jngoò àkjale-la:

Tijnat'eii chrja kixi-na

skanda k'e nga sikkjanguia kondra-lè

ya ñánda nga nchasòn ndsokoií.

¹⁴ Ngats'ii àkjale, inima-né nga síxá-la Nainá; jñà

nikasén nga síchját'aà-la jñà xìta xi tjoé-la kjondaà

nga bitjokàjìin kjo'in kjoa ts'e jé-la.

2

Mé-ne 'ñó chjì-la 'én xi jye kina'yá it'aà ts'e Cristo

¹ Koií kjoa-la, mochjeén-né nga nguì sà ndaà sis'in-lá 'én xi jye kina'yá, mé-ne nga mì xìn ndiyá kjiaán koni s'in tjin ndiyá-la Nainá. ² Jñà kjoṭixoma xi Nainá kitsjaà nga kisikjeén àkjale nachrjein xi jye tsato, tjin-la okixi, kò jñà xita xi tsohótsji jé nga mìkiì kisikitasòn kjoṭixoma xi kits'iì-la, kjo'iìn kitjoé-la koni s'in ok'in-la. ³ Kò jñà xi titsajnaà nachrjein i'ndeì, isaá 'ñó s'e-ná kjo'in tsà mì kì sis'iaán 'én-la Cristo nga jè kochrjekàjìnná kjo'in. Nga jè sobá Na'ènná kitsjaà ítjòn-ná 'én koi. Kò jñà xi iskan kiì'nchré 'én koi, tikoáá tsibénøjmi-ná nga kixi kjoa. ⁴ Nainá, tikoáá kisikixiya 'én koi nga kjin skoya kjoṭkón kis'iìn xi okó kjoa jeya-la Nainá, tikoá kisika'bísòn kjoṭjò ts'e Inima Tsjeè-la; k'oáá s'in kitsjaà koni s'in mejèn-la jè.

Yá xi ochrjekàjìnná kjo'in kjoa ts'e jé-ná

⁵ Nga Nainá mìtsà jñà àkjale-la kitsjaà-la nga jñà kjoṭixoma-la jè isò'nde xi iskan kjoíí, jè xi titsachibàya-ná. ⁶ Ta sàá tíchjaà jngoò k'a Xojon-la Nainá ñánda nga tsò:
 Jì Na'èn, ¿yá-né xi xita?
 ¿A ok'in-la nga jì nìkìtsjeèn-ne kò makájno-lè it'aà ts'e?

⁷ Isaá nangui kinikíjni koni jñà àkjale,
 kits'iì-la kjoa jeya kò 'nga kinikíjni nga tsatixoma,
⁸ jìí kits'iì-la nga'ñó nga ma kjoṭixoma-la ngats'iì tsojmì xi tjin.

Tsà Nainá kitsjaà-la nga'ñó nga jè kjoṭixoma-la ngats'iì tsojmì xi tjin tsòyaá-ne nga nìmé tsojmì tjin xi mì jè otixoma-la. Kixií kjoa, nachrjein i'ndeì, k'j'èè kiì ndaà 'ya-la tsà jè tíhotixoma-la ngats'iì tsojmì xi tjin. ⁹ Tanga 'ya-ná nga jè Jesús, nas'ín nangui

kinikíjna chiba nàchrjein koni jǎà àkjale, tanga i'ndeí, jeyaá tíjna kò 'ngaá tíjna nga tíhotíxoma, koií kjoa-là nga kjo'in kisikjeín k'e nga k'en. Nainá, 'ñó matsjakeè-ná nga kisikasén Jesús nga jè kisikjeín kjo'in ts'e kjoabiyaà xi kjondaà ts'e ngats'ì xita.

¹⁰ Jè Nainá, xi tsibíndaà yije nita mé xi tjin, ndaa ok'in-là koni s'in kis'ìin k'e nga kisikatojiin kjo'in Ki'ndí-là mé-ne nga it'aà ts'e kjo'in xi tsatojiin-ne, nímé kjoa xi kichijàt'aà-là nga koma kochrjekàjiin-ná kjo'in kjoa ts'e jé-ná ngats'ì xi ixti-là Nainá maá xi jè mejèn-là nga ya kitsajnakoaá ñánda nga jeya tíjna jè. ¹¹ Jè xi tísitsjeè xita xi tjin-là jé, kò jǎà xita xi tjimatsjeè, tajngoó Na'én ma. Koií kjoa-là jè Ki'ndí-là Nainá mìkì masobà-là nga 'ndse tsò-là xita xi sìtsjeè. ¹² Jè Xojon-là Nainá k'oaá s'in tjit'aà nga tsò:

Kènojmi-là jǎà xita 'ndsè xi it'aà tsiji,
seè-lè ya ijiin-là xita naxandá-lè.

¹³ Tikoáá tjit'aà ñánda tsò:

Jé Nainá ma'ñót'aà takoàn.

Ijngoò k'a tjit'aà ñánda tsò:

Íi tijnakoáa ixti xi Nainá kitsjaà-na.

¹⁴ K'oaá s'in tjin koni ixti-là xita, tajngoò jní-né kò tajngoò yijo-né. Jesús, k'oaá tís'ín jní kò yijo kis'e-là mé-ne nga it'aà ts'e kjoa biyaà ma kisikijne-là xita neí xi tjin-là nga'ño nga ma-là sík'en xita.

¹⁵ Jesús, k'oaá s'in komàt'in mé-ne nga komà kisikítsajnandeí ngats'ì xita xi kitsakjòn-là kjoa biyaà nga k'oaá s'in títsajna koni tsà tjit'aà'ño-là kó tjin nàchrjein bìtsajnakon xita. ¹⁶ Jesús, mìtsà koií xá j'ì-ne nga jǎà àkjale sìichjât'aà-là, jǎà xita tje-là Abraham sìichjât'aà-là. ¹⁷ K'oaá s'in komà-ne, jè

Jesús tǵínè-là nga ngásòn k'oas'ín xǵta komà koni 'ndse, mé-ne nga nò'miì ítjòn koma-ne xi tǵín-là kjohimatakòn xi ndaà síkitasòn xá-là Nainá nga koma kùichjítjì-ne jé-là xǵta ít'aà ts'e kjoa biyaà-là. ¹⁸ Koni s'ín kichìt'aà nga kits'iì-là kjo'in, jè, k'oaa tǵs'ín ma-là osìkò jè xǵta xi kò kjo'in tíchìt'aà-ne.

3

Mé-ne ìsa jeya tǵjna-ne Jesús mì k'oa-ne Moisés

¹ Jǵnò ndí 'ndsè, xi xǵta naxandá tsjeè-là Nainá 'mì-nò, xi xó k'oaa s'ín jaàjiìn-nò Nainá nga xǵta ts'e tsò-nò, k'oaa s'ín ndaà tǵkǵtsjeèn nga jè Cristo Jesús xi xó tsibíxáya-là Nainá kò jè tǵjna nga nò'miì ítjòn ít'aà ts'e kjoa xi mokjeiìn-ná. ² Jesús ndaà síkitasòn xá-là Nainá, nga xó k'oaa s'ín kits'iì-là koni jè Moisés, ndaà kisìkitasòn ít'aà ts'e naxandá-là Nainá. ³ Jesús ìsaá jeya tǵjna koni jè Moisés. K'oaa ngaya-là koni jngoò xǵta xi bíndaà ni'ya, ìsaá jeya bíjna nei-là mì k'oaa-ne koni tǵjè-ne ni'ya. ⁴ Ngats'iì ni'ya, tsejèn tǵjín xǵta xi tsibíndaà; tanga jè Nainá xi tsibíndaà yije tsojmì xi tǵjín ìsò'nde. ⁵ Xi nguì okixi, jè Moisés, nga xǵta chǵ'nda-là Nainá ma, ndaà kisìkitasòn xá-là ít'aà ts'e xǵta naxandá-là Nainá. Jè xá xi kis'iìn, jè-né nga kitsjaà 'én kó s'ín kichja Nainá k'e nga koma ìskan. ⁶ Tanga jè Cristo, nga Kǵ'ndí-là Nainá ma, jè otíxoma ít'aà ts'e naxandá-là, jè naxandá-là xi tǵjǵná-ná, tsà kixi tǵtsajnaà skanda k'e nga kjoehet'aà naxhrjein koni s'ín nga mokjeiìn-ná ít'aà ts'e Nainá nga kò kjotsja-ná tǵtsachiñá xi kjondaà-là Nainá.

Mé xi mochjeén nga kǵtǵás'eén ñánda ma nǵkáyaá ít'aà ts'e Nainá

⁷ K'oaá tsò jè Inima Tsjeè-la Nainá jè xojon xi tjit'aà 'én-la Nainá, nga tsò:

I'nde, tsà titsana'yà jñò 'én-la Nainá,

⁸ kì tájaàjìin bitsajnakoo inima-nò

koni s'ín kis'iin jñà xita xi kondra kii-la Nainá

nga kiskoòt'aà ya i'nde it'aà xìn ñánda nangui kixi choòn.

⁹ Jñà xita jchínga-nò kiskoòt'aà-na

nas'ín jye kijtseè ichán nó kjoa xi kis'iaàn.

¹⁰ Koií kjoa-la nga tsohótijna jchán-la jñà xita koi, k'oaá kixan-la: “Jñò, kjit'aà nachrjein xìn ndiyá

tjaàkoo kjohítsjeèn-la inima-nò

ko mìkii yaxkon ndiyá-na.”

¹¹ Xi kjoa jti-na, k'oaá s'ín kitsjaà ndsoba

nga mìkii kjoahas'en-jìin i'nde ts'an ñánda ma nìkjáya.

¹² Ndí 'ndsè, t'een kindá yijo-nò, nijngoò xi ch'o síkijna inima-la nga mìkii mokjeiín-la mé-ne nga

mì kìnchat'aàxìn-lá Nainá xi tijnakon. ¹³ Ta saá,

nachrjein nchijòn tjiì nga'ñó-laà xinguiqo, k'e nga

tijna-isa nachrjein, mé-ne nga mìkii kotájaàjìin-ne

inima-nò nga mìkii ma skónachan-nò kjoa ts'e jé.

¹⁴ Jñá yaá nokjoá-aná it'aà ts'e Cristo, tsà k'oas'ín

ndaà kòkjeiín-ná skanda k'e nga kjoehet'aà

nachrjein koni s'ín kòkjeiín-ná nga tisa tàts'en-la

kjoa.

¹⁵ Xojon-la Nainá k'oaá s'ín tíchja nga tsò:

I'nde, tsà titsana'yà jñò 'én-la Nainá,

kì tájaàjìin bitsajnakoo inima-nò

koni s'ín kis'iin jñà xita xi kondra kii-la Nainá.

¹⁶ ¿Yá xita-ne xi kii'nchré 'én-la Nainá, ikjoàn kon-

dra kii-la? Tijñà-ne ngats'iì xita xi jè Moisés

tsachrjekàjìin i'nde Egipto. ¹⁷ ¿Kò yá xita-ne xi

ichán nó tsibìjnajchán kò Nainá? Jñà-né xita xi tsohótsji jé, xi ya k'en ya iya ndiyá ya i'nde it'aà xìn ñánda nangui kixì choòn. ¹⁸ ¿Kò yá xita-ne xi Nainá kitsò-là nga mìkiì kjoahas'en-jìin i'nde ñánda tjin kjoa nìkjáya? Jñà-né xita xi mìkiì kù'nchréñjon-là. ¹⁹ Kò k'oaá s'ín tísijìin-ná nga mìkiì jahas'en-jìin i'nde ñánda ma nìkjáya, koií kjoa-là nga mìkiì kòkjiín-là.

4

¹ Nainá k'oaá s'ín kitsjaà-ná 'én nga kitjás'eén ya i'nde-là ñánda ma nìkjáyaá. K'e nga tákó tìjna-ìsa 'én xi kitsjaà Nainá, ngats'iaá mochjeén-né nga ndaà sikiindaá yijo-ná mì k'oa-ne tsà mì kì kitjás'eén. ² Nga jñá, k'oaá tìs'ín jye kis'enojmíya-ná 'én ndaà-là Nainá, koni s'ín kis'enojmíya-là jñà xita jchínga-ná. Tanga jñà xita jchínga-ná nímé kjondaà kisakò-là nga mìkiì ngàsòn kòkjiín-là koni jñà xita xi i'nga xi kisìtasòn jñà 'én koi. ³ Tanga jñá xi jye mokjiín-ná, kitjás'en-ná ya i'nde ñánda ma nìkjáyaá, ñánda kitsò Nainá:

Xi kjoa jti-na, k'oaá s'ín kitsjaà 'én-na xi ndsoba kichjà-na

nga mìkiì kjoahas'en-jìin i'nde ts'an ñánda ma nìkjáyaá.

Tanga Nainá jye kjòtseé jyehet'aà xá xi kis'ìin kóni skanda k'e nga tsibíndaà isò'nde. ⁴ Xojon-là Nainá, k'oaá s'ín tíchja ts'e xi ma-ne itoò nàchrjein:

Xi ma itoò nàchrjein kisìkjáya Nainá nga komà jyehet'aà yije xá-là.

⁵ Tjje-ne Xojon-là Nainá, lingoò k'a tíchja ñánda tsò: Mikiì kjoahas'en-jìin ya i'nde-na ñánda ma nìkjáya.

⁶ Jñà x̣iṭa xi kiì'nchré ítjòn 'én xi ndaà tsò, mìkiì jahas'en i'nde ñánda ma nìkjáya nga mìkiì kisìtasòn; ṭanga n̄achr̄jein i'nde i ṭjín-isa x̣iṭa xi ch̄ija nga koma kjoaahas'en-jìin i'nde ñánda ma nìkjáya. ⁷ Koií kjoa-l̄a Nainá tsibíjna ìjngoò-isa n̄achr̄jein x̣itse, jè n̄achr̄jein i'nde i. Nga ìsa 'ñó komà iskan jè x̣iṭaxá ítjòn xi ki'mì David, k'oaá s'ín tsibít'aà Xojon-l̄a Nainá jñà 'én xi tsò:

Jñò, n̄achr̄jein i'nde i tsà titsana'yà 'én-l̄a Nainá kì tájaàjìin nìkìtsajnaà inìma-nò.

⁸ Jè Josué, nga mìkiì komà kitsjaà-l̄a kjoa nìkjáya jñà x̣iṭa Israel, koií kjoa-l̄a Nainá kitsjaà ìjngoò-isa n̄achr̄jein x̣itse. ⁹ K'oaá ma-ne jè naxandá-l̄a Nainá ṭjna ìjngoò-l̄a n̄achr̄jein tsjeè ts'e kjoa nìkjáya; ¹⁰ nga jè x̣iṭa xi fahas'en-jìin kjoa nìkjáya xi ts'e Nainá, ṭkooá síkjáya-ne kjoa ts'e xá-l̄a, koni s'ín kisìkjáya Nainá ít'aà ts'e xá xi kis'ìin. ¹¹ Mochjeén-né nga k'oi-l̄a nga'ñó yijo-ná nga ḳiṭjás'en-jñá kjoa nìkjáya-l̄a Nainá; mìkiì k'oas'ín s'eén koni kis'ìin jñà x̣iṭa xi mìkiì kòkjeiín-l̄a nga kisìkitasòn.

¹² 'Én-l̄a Nainá ṭjnakon-né ḳo ṭjín-l̄a nga'ñó. Ìsaá ndaà ote mì k'oa-ne jngoò ḳich̄ja ndojò xi yijò nga ingajò ngobà-l̄a; fahas'en-jìin-né skanda ya j̄jìin inìma-ná ḳo ya j̄jìin ḳjohitsjeèn-ná. Ṭkooá fahas'en-jìin-né skanda ñánda ṭkjoò nindaà-ná ḳo iya nindaà-ná; ótsjiya-né ḳjohitsjeèn-l̄a inìma-ná mé xi mejèn-l̄a nga s'ìin. ¹³ Ngats'ìi xi Nainá tsibíndaà, nì mé ṭjín xi ṭjna'ma, nga ngats'ìi kjoa ṭjna tsejèn-né; ṭíbeè-ne xkon jè xi ṭjínè-l̄a nga k'oi-l̄a ḳinda.

Jè xi ngui n̄o'mù ítjòn ṭjna

¹⁴ Jesús xi ki'ndí-là Nainá, jè-né xi nguì sobà nò'miì ítjòn tíjna ít'aà tsaján, jè-né xi jahas'en ngajmiì nga nguixkòn Nainá. K'oaá ma-ne nga mochjeén-né nga kixi kitsajnakoaá jñà 'én xi mok-jeiín-ná. ¹⁵ Jè xi nò'miì ítjòn tíjna ít'aà tsaján, komaá kohimakeé-ná k'e nga mahindaà; nga jè, k'oaá tìs'in kichit'aà koni jñá, tanga mìtsà jé tsohótsji. ¹⁶ Kíngoò-lá takoán nga kìnchat'aá chrañà-lá íxile kjotíxoma-là Nainá xi tse kjondaà tjín-là, mé-ne nga skoe ima-ná kjondaà xi tjín-là koa kosiko-ná k'e nga mé xi kochjeén-ná.

5

¹ Ngats'iì jñà nò'miì ítjòn, yaá tjaájiìn ít'aà ts'e xita naxandá. Jè xá tjínè-là nga chjatjì xita nga nguixkòn Nainá tìkoa tsját'aà-là kjotjò Nainá kò sík'en cho xi kjoa ts'e jé-là xita. ² Jñà nò'miì, tìkoaá mahindaàjiìn inima-là; k'oaá s'in ma-ne nga ma beèhima jñà xita xi mìkiì machiya-là kò xi xìn ndiyá tjímaya. ³ Koií kjoa-là nga ma indaàjiìn inima-là nò'miì, tjínè-là nga sìik'en-là cho kjotjò xi tsjá-là Nainá xi kjoa ts'e jé-là kò tìkoa sìik'en cho kjoa ts'e jé-là naxandá.

⁴ Jñà nò'miì, mìtsà tà jñà tajngoò bí'taà xá 'nga yijo-là; jè Nainá xó chja-là koni s'in kiichja-là jè Aarón. ⁵ K'oaá tìs'in tjín ít'aà ts'e Cristo, mìtsà tà jè tajngoò kiskoé xá xi ts'e nò'miì ítjòn, Nainá kitsjaà-là xá 'nga k'e nga kitsò-là:

Jì-né xi Ki'ndí-na xan-lè;

'aán-ná xi Na'èn-lè.

⁶ Tjìjè-ne Xojòn-là Nainá, lingoò k'a tíchja ñánda tsò: Jì-né xi nò'miì tijni nita mé nàchrjein-ne,

xá-lè, k'oaá s'ín tjín koni xá xi kisìkitasòn
Melquisedec.

⁷ Jè Cristo k'e nga sa tsibìjna i isò'nde, 'ñó kiichjat'aà-là Nainá, nguì koó ndáxkon tsibítsi'ba-là koa kisijét'aà-là jè xi tjín-là nga'ñó nga ma-là kochrjekátjì it'aà ts'e kjoa biyaà; Nainá kiì'nchré-là nga ndaà kijtseèxkón. ⁸ Jè Cristo, nas'ín ki'ndí-là Nainá ma, yaá komà-là kisìkitasòn, k'e nga kisikjeiín kjo'in. ⁹ K'e nga jye mì tì mé xi kichijàt'aà-là, k'oaá s'ín tsibìjna nga jè kochrjekátjì kjo'in xita nita mé nàchrjein-ne, ngats'ìi xi 'nchréñijon-là, ¹⁰ Nainá kisikíjna Jesús nga nò'miì itjòn tsibìjna, kitsjaà-là xá koni ts'e Melquisedec.

Jña xita xi mìkì machiya-là mé kjoa xi kixi tjín

¹¹ It'aà ts'e kjoa koi, 'ñó tjín-isa kjoa xi s'enojmíya-nò, tanga 'ñó chjà tjín nga s'enojmí-nò, koi kjoa-là nga jñò, mìkì machiya-nò. ¹² Jñò, skanda kjòtseé maestroó-là titsajnaà tsà ndaà; tanga jñò, tákó mochjeén-nò nga chíta'yà xitse ìjngoò k'a 'én-là Nainá xi mì 'in chjà koni s'ín komà-nò nga sa ítjòn. K'oaá s'ín tímat'ioòn koni ndí ixti xi tákó tsjín 'biì, mìkì mochjeén-là nga tsojmì tájaà skine. ¹³ Ngats'ìi xi tákó tsjín 'biì, ixti-né, mìkì machiya-là mé kjoa xi kixi tjín. ¹⁴ Tanga jña tsojmì xi ma chine xi tájaà kjoàn, ts'eé xita xi jye kòjchínga, jña xi jye machiya-là mé kjoa xi ndaà tjín kò mé kjoa xi mìkì ndaà tjín nga k'oaá s'ín nchisíjchá yijo-là.

6

¹ Koií kòs'ín mochjeén-ne nga chíta'yà 'én-là Cristo xi isa ndaà kòjchíngakoá kjoa ts'e Nainá

mé-ne nga nímé chijat'aà-ná nga xita-la Cristo maá. Mì tijnà tijnà 'én chíta'yà-aná xi kichíta'yá nga sa ítjòn ít'aà ts'e Cristo. Mì tijnà tijnà 'én sikítsjeèn-ya-ná kó s'ín ma nga níkájnoaá jé xi tjin-ná xi kjoabiyaà fiko-ná. Kò tikoáá mì tijnà tijnà 'én sikítsjeèn-ya ìngoò k'a-ná kó s'ín kòkjeín-ná ít'aà ts'e Nainá ² kò kós'ín ma bautizar xita, kò kós'ín oyìsòn-lá ndsaá jñà xita xi mokjeín-lá ít'aà ts'e Cristo. Kò tikoáá mì tijnà tijnà 'én sikítsjeèn-ya ìngoò k'a-ná kó s'ín kjoáaya-la jñà xita xi jye k'en, kò kós'ín s'jin Nainá nga kìindaàjìn-lá xita mé xi ok'in-la nga tsjá-la nita kjé-ne. ³ Mochjeén-né nga chíta'yà 'én xi isa ndaà kojchíngakoaá kjoa ts'e Nainá; tsà Nainá tsjá'nde nga kòs'ín koma, k'oas'ín s'én.

⁴ Nga jñà xita xi jye kjòhiseèn-la kjòhítsjeèn-la, xi jye kisaseèn-takòn kjondaà xi tsjá Nainá, xi tikoá jye ngàsòn kitjoé-la Inima Tsjeè-la Nainá, ⁵ xi jye kisaseèn-takòn 'én ndaà-la Nainá kò nga'nó-la isò'nde xi sa kjoíí, ⁶ tsà ìngoò k'a xìn ndiyá kjoí, tsà tsjìn takòn 'én-la Nainá, mì tì kii koma kondaàya-ne kjòhítsjeèn-la nga kòófat'aà ìngoò k'a-la Nainá; nga jñà xita koi, kjoa xi nchis'ín, k'oaá gaya-la koni tsà krò nchihót'aà ìngoò k'a jè Kí'ndí-la Nainá nga tsjá-la kjosobà nga nguixkòn ngats'ii xita. ⁷ K'oaá s'ín gaya-la koni jè nangui, k'e nga 'ba jtsí, ma'nchi'nde-né. Tsà ndaà xka xi bisò xi mochjeén-la xita xi síxáko nangui, jè Nainá síchikon-t'ín nangui. ⁸ Tanga tsà na'yá chiní kò na'yá xanchroò bisò, nímé chí-lá, mìtsà nangui ndaà nga nguixkòn Nainá; kījchò nāchrjein nga tà kītī-né.

⁹ Jñò ndí 'ndsè, xi matsjacha-nòjen, nas'ín

k'oas'ín nokjoà-jen, k'oaá s'ín tíngoò takòn-jen nga tjoé-nò kjoa xi 'ño ndaà tjín, ngats'iì kjondaà xi tjín-la xita xi jye itjokàjìin kjo'in. ¹⁰ Nga Nainá, xita kixi-né, mikiì síjchàajìin xá-nò xi jye ki'nè kò kjoatjòcha xi tjín-nò nga nìchját'aà-là xita naxandá-la Cristo, koni s'ín titsa'nè skanda nàchrjein i'ndeì. ¹¹ Tanga ngajen, k'oaá s'ín mejèn-najen nga kjit'aà nàchrjein nguì koó kjotsja nga kos'ín tixá nga jngoò ijngoò skanda k'e nga kjoehet'aà nàchrjein-nò mé-ne nga kítasòn-ne kjoa xi titsachiñá-laá. ¹² Majìn-najen nga ts'eè s'een. Chjínguì-là jñà xita xi jye nchitjoe-la kjotjò koni s'ín kitsjaà tso'ba Nainá koiì kjoa-la nga ndaà mokjeiìn-la kò tjín-la kjoatsejta.

Kó tsò 'én xi kùichja Nainá koni s'ín kitsjaà-la tso'ba Abraham

¹³ Nainá k'e nga kitsjaà-la tso'ba Abraham, k'oaá s'ín kitsjaà kixi 'én-la nga tije tsasèn-ne nga mì tì yá tjín-ne xi isa 'nga tjina koni jè; k'oaá s'ín kùichja, ¹⁴ nga kitsò: “An, 'ño ndaà sichikon-t'in-lè, tìkoà 'ño kòkjìn-ya jñà ixti-lè.” ¹⁵ K'oaá s'ín komà-ne Abraham kiskoòñàkjoa, ikjoàn kitjoe-la koni s'ín kitsò Nainá. ¹⁶ Jñà xi taxkì xita, k'e nga tsjá 'én-la, síkjeén jngoò 'ín-la jngoò xi isa 'nga tjina mé-ne nga síkixiya-ne 'én xi tsjá. Kò tà yaá fehet'aà kjoa. ¹⁷ K'oaá s'ín ma-ne k'e nga jè Nainá k'oaá s'ín kjòmejèn-la nga kitsjaà kixi-la 'én jñà xita xi tjoé-la kjotjò nga sùikitasòn koni s'ín kitsjaà tso'ba, kitsjaà jngoò 'én xi 'ño xkón tjín nga nìmé xi ma kjoatjiya. ¹⁸ Jñà 'én koi xi jò ma-ne xi mikiì ma fatjiya, nga mikiì koma skónachan-ná Nainá, yaá 'ño sakó-la nga 'ño inima-ná, jñà xi mejèn-ná nga

Nainá kosiko-ná nga nguì jè kjit'aà takoán nga titsachiñá-lá jè kjoa kixi-la xi jè jye kitsjaà-ná. ¹⁹ Jè kjoa kixi xi titsachiñá-lá, k'oaá s'ín síkijna kixi inima-ná koni jngoò kicha xi sit'aà'ño-ne chitso, kò jè kjoa kixi xi okji skanda maá jahas'en ya i'nde tsjeè ñánda tjobátoò nikje cortina, ²⁰ ya ñánda jahas'en Jesús nga tsohójnandaà-ná ndiyá, nga no'miì ítjòn tíjna nita mé nachrjein-ne koni jè Melquisedec.

7

Jesús, k'oaá s'ín गया-la koni jè no'miì ítjòn xi ki'mi Melquisedec

¹ Melquisedec xi xita xá ítjòn tsibijna ts'e naxandá Salem, tikoá no'miì ítjòn tsibijna ts'e Nainá xi tíjna ngajmiì, kù kaña-la Abraham k'e nga tinchrobá-ne nga jye kisikijne yije-la xitaxá ítjòn xi kiskaàn-kò. Melquisedec kisichikon-t'in Abraham. ² Jè Abraham, teya kis'iin tsojmì xi kisakò-la ts'e kjoajchán, kò jngoòya kitsjaà-la Melquisedec. 'In xi 'mì Melquisedec, tsòyaá-ne: xitaxá ítjòn xi tjín-la okixi. Tikoá jè 'ín xi 'mì xitaxá ítjòn ts'e Salem, tsòyaá-ne: xi tjín-la kjoa'nchán. ³ Jè Melquisedec mikì 'ya-la tje-la, yá na'èn-la, yá nea-la, ñánda kits'iin, ñánda k'en; k'oaá s'ín mangásòn-kò koni Cristo xi Ki'ndí-la Nainá nga jè Melquisedec tikoá no'miì ítjòn tíjna nita mé nachrjein-ne.

⁴ Jño tikitsejèn nga 'ño 'nga tsibijna Melquisedec, skanda jè xita jchínga-ná Abraham teya kis'iin tsojmì xi kisakò-la ts'e kjoajchán, kò jngoòya kitsjaà-la Melquisedec. ⁵ Kixii kjoa, k'oaá s'ín tichja kjotixoma-la Moisés xi Nainá kitsjaà-la nga jña xita

naxandá tjinè-la nga teya sùjòya tsojmì xi tjin-la, jngoòya tsjá-la jñà nò'miì xi tje-la Leví, nas'ín tì xita xikjín-ne xi ya nchrobát'aà-ne tje-la Abraham.

⁶ Tanga jè Melquisedec, mìtsà tje-la Leví, tanga kitjoé-la xi jngoòya oko-la tsojmì xi teya kis'iìn Abraham, ikjoàn k'eé kisìchikon-t'in, nas'ín jè Abraham xi kitjoé-la 'én xi tso'ba Nainá kiichja-ne.

⁷ Nga jyeé tjiìn-ná, jè xi síchikon-t'in xita, isaá 'nga tìjna mì k'oaá-ne koni jè xi machikon-t'in. ⁸ Jñà nò'miì xi tje-la Leví xi tjoé-la xi jngoòya oko-la xi teya s'ín xita naxandá Israel, mìtsà ta bìtsajnakon kjit'aà, bijchó nàchrjein nga biyaà; tanga it'aà ts'e Melquisedec, jè Xojon-la Nainá, k'oaá s'ín 'ya-la koni tsà jngoò xita xi tákó tìjnakon skanda nàchrjein j'ndeì.

⁹ Jñà nò'miì xi nchrobát'aà-ne tje-la Leví xi tjoé-la xi jngoòya oko-la xi teya s'ín xita naxandá Israel, komaá k'oakixoán nga tikoáá jè Melquisedec kitjoé jngoòya-la it'aà ts'e xita koi k'e nga kitsjaà jngoòya-la Abraham, ¹⁰ nga jñà nò'miì xi tje-la Leví, yaá nchrobát'aà-ne tje-la Abraham. Nas'ín kj'eè kiì ts'iìn Leví k'e nga jè Melquisedec ijchò kaña-la Abraham, k'oaá s'ín ngaya-la koni tsà jñà nò'miì Israel, jyeé ya tìtsajnakò Abraham nga nchitsjá-la kjotjò xi jè tjoé-la Melquisedec.

¹¹ Jñà kjotíxoma xi kitjoé-la jñà xita Israel, yaá inchrobát'aà-ne it'aà ts'e nò'miì xi tje-la Leví; tanga jñà nò'miì koi, mìkiì komà-la nga jngoò k'a kisikixiya xita nga mì tì mé chijat'aà-la. K'oaá s'ín komà-ne nga j'iì jngoò nò'miì xi jè mangàsòn-kò Melquisedec, kò mìtsà jè mangàsòn-kò Aarón xi tje-la Leví. ¹² K'e nga fatjiya nò'miì, kós'ín

síxá, tikoáá mochjeén-né nga kjoatjìya kjotíxoma.

¹³ Koni s'ín tichjā 'én-lā Nainá, jè xi kitjoé-lā xá koni ts'e Melquisedec, kj'eíí tje-né; ya ñánda inchrobàt'aà-ne, nì sáá jngoò nò'miì bitjokàjìin.

¹⁴ K'oaá s'ín 'ya-lā nga jè Na'én-ná Jesucristo, yaá inchrobàt'aà-ne tje-lā naxandá Judá. Tje-lā naxandá jè, mìkiì kisìkaxkì Moisés k'e nga kiìchjā it'aà ts'e nò'miì.

¹⁵ Kjoa koi, ìsáá ndaà makixi-ya-ná tsà jè nò'miì xitse sùikitasòn koni s'ín kisìkitasòn jè Melquisedec.

¹⁶ Nga mìtsà k'oaá s'ín kitjoé-lā xá ts'e nò'miì koni s'ín tichjā kjotíxoma yá ts'e tje xi inchrobàt'aà-ne nga nò'miì kisìkitasòn. Ta sáá k'oaá s'ín kitjoé-lā xá it'aà ts'e nga'ño xi tjín-lā nga mìtsà yá xi koma-lā jngoò k'a sùik'en. ¹⁷ K'oaá s'ín tichjā 'én-lā Nainá xi it'aà ts'e, nga tsò:

Jì-né xi nò'miì tijni nìtā mé nàchrjein-ne,
k'oaá s'ín mangásòn-koi koni jè Melquisedec.

¹⁸ K'oaá s'ín komà-ne nga kichijàngui kjotíxoma jchínga, koi kjoa-lā nga tsjìn-lā nga'ño tikoá mì tì kiì tímochjeén-ne. ¹⁹ Nga jè kjotíxoma jchínga xi kiskì Moisés, nìmé xi kisìkixi-ya xitā; tanga nàchrjein j'ndeì, tjín jìngoò-ná kjoa xi ìsā ndaà tjín xi titsachiñá-lá jè xi sikinchat'aà chrañà-ná Nainá.

²⁰ Nainá k'oaá s'ín kitsjaà kixì 'én-lā xi xkón tjín k'e nga kitsjaà tso'ba nga nò'miì ítjòn kíjna Cristo. Jñà nò'miì xi i'nga, ta k'oaá s'ín kitjoé-lā xá, mìtsà yá xi kitsjaà 'én-lā. ²¹ Tanga xi it'aà ts'e Na'én-ná Jesús, k'oaá s'ín tichjā xojon xi tít'aa 'én-lā Nainá nga kitsò:

Na'én-ná k'oaá s'ín kitsjaà kixì 'én-lā;
mìkiì sùikjatjìya-lā kjohítsjeèn-lā nga tsò:

“Ji-né xi nò'miì tìjni nìtā mé nàchrjein-ne.”

²² K'oaá s'ín ma-ne nga jè Jesucristo osen-tjì-ná nga nguixkɔn Nainá nga jè bíndaàjiìn kɔ-ná jngoò kjoa xit̩sɛ xi ɪsáá ndaà t̩jín. ²³ T̩kɔaá j̩ñà nò'miì xi kisixá xi tje-là Leví, jyeé k̩jìn ma xi jye kisikitasòn xá-là t̩nga koií kjoa-là nga biyaà nga mìkì ma síxá-ɪsa. ²⁴ T̩nga jè Jesús t̩jnakon-ne nìtā kjé-ne, k'oaá ma-ne nga nò'miì t̩jna nìtā mé nàchrjein-ne. ²⁵ K'oaá s'ín ma-ne nga ma-là ochrjekàjiìn kjo'in xit̩a nìtā mé nàchrjein-ne, ngats'ìi xit̩a xi ɪt'aà ts'e Jesús bijchó nguixkɔn Nainá; jè t̩jnakon-né nìtā kjé-ne mé-ne nga bítsi'batjì xit̩a.

²⁶ ɪt'aà tsaján, nguì jè Jesús xi mochjeén-ná nga nò'miì ɪt̩òn t̩jna: nga xit̩a tsjeè-né; n̩imé jé t̩jín-là; mì t̩jé k̩jì in̩ima-là; t̩jnat'aàxìn-là xit̩a jé, kɔ jè xi ɪsá 'nga t̩jna ján ngajm̩i. ²⁷ M̩tsà k'oas'ín koni s'ín nò'miì ɪt̩òn xi i'nga, nga nàchrjein nchijòn sík'en chɔ nga tsjá kjotjò-là xi kjoa ts'e jé-là, ɪkjoàn tsjá ts'e jé-là xit̩a naxandá. T̩nga Jesús k'e nga kitsjaà kjotjò yijo-là nga k'en, jngoò k'aá kitsjaà nìtā kjé-né. ²⁸ Jè kjot̩íxoma xi kitsjaà Moisés, k'oaá s'ín t̩íchja nga j̩ñà k̩tsajna nò'miì ɪt̩òn xi taxk̩i xit̩a xi chiba nga'ñó t̩jín-là; t̩nga jè 'én xi xkón t̩jín xi ɪskan kitsjaà Nainá, k'oaá s'ín t̩íchja nga jè Ki'ndí-là Nainá, k̩jna nò'miì ɪt̩òn, jè xi k'oas'ín kisikɔ Nainá nga n̩imé chijat'aà-là nìtā kjé-ne.

8

Jè kjoa xit̩sɛ xi tsibí'ñó Jesús

¹ Ngats'ìi kjoa xi chibàya-ná, t̩jín jngoò xi ɪsáá 'ñó ch̩jì-là, jè-né nga t̩jna jngoò-ná nò'miì ɪt̩òn xi tsib̩jnat'aà chrja kixi-là ɪxile kjot̩íxoma-là Nainá ján

ngajmii. ² Yaá síxá ya ñánda tíjna xi nguì Ni'ya Tsjeè-la Nainá, xi jè sobà Nainá tsibíndaà; mìtsà taxkì xità tsibíndaà.

³ Ngats'ii nò'mii ítjòn, k'oaá s'ín satíxoma-la nga kjotjò tsját'aà-la Nainá kò cho sík'en; k'oaá ma-ne nga jè Cristo tìkoa tjinè-la nga kis'e-la mé kjotjò xi kitsjaàt'aà-la Nainá. ⁴ Jè Cristo, tsà ì tíjna ìt'aà nangui, skanda mì-la kii koma nga nò'mii kijná, nga ì ìt'aà nangui, jyeé tjin nò'mii xi tsját'aà-la kjotjò Nainá koni s'ín tjin kjotíxoma xi kiskii Moisés.

⁵ Tanga jña nò'mii xi tjin ì ìt'aà nangui, yaá síxá ni'ya xi tà isén-la-né kò 'nguién-la-né jè Ni'ya Tsjeè-la Nainá xi tíjna ngajmii; nga jè Moisés k'e nga jye mejèn koiits'ia nga kúindaà ni'ya tsjeè-la Nainá xi nikje, jè Nainá kitsò-la: “Ndaà chítsejìn, k'oa kó kji t'iiin koni kji xi tsakoò-lè ya nindoò Sinaí.” ⁶ Tanga nàchrjein ì'ndeì, isaá ndaà tjin xá xi kitjoé-la Jesucristo nga nò'mii ítjòn tíjna, nga jè osìnjajìn jngoò kjoa xitse xi isa ndaà tjin xi tsibíndaàjìn Nainá kò xità, nga yaá nchrobát'aà-ne 'én xi isa ndaà tjin koni s'ín jye kitsjaà tso'ba Nainá.

⁷ Tsà nímé xi kisìchijàt'aà-la jè kjoa xi kisin-daàjìn ítjòn, mì-la kii mochjeén nga ìjngoò k'a sindaàjìn xi ma-ne jò k'a. ⁸ Tanga Nainá k'e nga tsohótikò, k'oaá kitsò:

Kijchò nàchrjein k'e nga kìndaàjìn-kò jngoò kjoa xitse

jña xità Israel kò xità Judá, kitsò Nainá.

⁹ Jè kjoa xitse xi kìndaàjìn-koaa, mìtsà k'oas'ín sindaàjìn koni ts'e xità jchínga-la, k'e nga 'an sobà kitsobà tsja nga tsachrjekàjña nangui Egipto.

Jña xità koi, mìkii kisìkitasòn koni s'ín kisin-daàjìn,

k'oaá komà-ne nga kitsjìn takoàn, tsò Nainá.

¹⁰ K'e nga jye koma iskan,
jè kjoa xitse xi kíndaàjñāàkoaa xita Israel, kiís'ín s'e,
tsò Nainá:

Kjotíxoma-na yaá kijnajñāà ya kjohítsjeèn-la,
ko yaá skiaà ijììn inima-la.

'An-ná xi Nainá kitso-na,
ko jñà-né xi komā xita naxandá-na.

¹¹ Mì tì kii kochjeén-ne nga xita xíkjín
keènojmiya-la

nì mitsà jè 'ndse keènojmi-la nga skoexkon Nainá,
nga ngats'ìi xita skoexkon-na
mats'iaako-ne xi isa ixti skanda jñà xi 'ñó xita
jchínga.

¹² 'Aán sùjchàat'aà-la ngats'ìi kjoa ch'o xi kis'ììn,
mì tì kii siikitsjeèn-na jé xi tjín-la.

¹³ K'e nga Nainá síkaxki jngoò kjoa xitse, tsòyaá-ne
nga jè kjoa xi kisindaàjììn ítjòn, jyeé kòjchínga. Mì
tì kii tímochjeén-ne, jyeé tíchija.

9

Jè Ni'ya Tsjeè-la Nainá xi nikje

¹ Jè kjoa xi tsibíndaàjììn ítjòn Nainá kis'eé-la
kjotíxoma kós'ín ma nga jeya nìkíjnaá Nainá ko kis'e
jngoò-la ni'ya tsjeè ijt'aà nanguì. ² Jè Ni'ya Tsjeè-la
Nainá xi nikje, k'oaá s'ín tjíndaà nga jngoò i'nde
tíjna ítjòn xi 'mì I'nde Tsjeè, ñánda tíjna kichā xi
tíya ni'ín ko ñánda tíjna ímíxa xi nchasòn inchrajín
tsjeè-la Nainá. ³ Jè nikje cortina xi ma jò-ne xi
tjóbá jngoò osen ni'ya nikje, ya ijton kijjna i'nde
xi 'mì I'nde xi isa 'Ñó Tsjeè. ⁴ I'nde jè, yaá kijjna
jngoò kaxa xi nguì oro ñánda tìsòn chrjongó-la

Nainá; tikoá yaá kijina kaxa xi nguì oro yijàjno ts'e kjoa xi tsibíndaàjìnn Nainá. Kaxa jè, tijnaya jngoò tijí kichá xi nguì oro ñánda 'ncha inchrajín xi 'mì maná, tikoá yaá kjinaya yá nise-la Aarón xi tsibíjts'én-t'aà chrja-la kọ ya 'ncha jña ndajo teè ñánda tjit'aà kjotíxoma-la Nainá xi kitjoé-la Moisés. ⁵ Ya isòn kaxa 'ncha isén-la àkjale xi querubín 'mì xi tjin-la jngaá xi okó kjoa jeya-la Nainá; jña jngaá-la bíjtsa'ma jè kaxa. Tanga i'nde, jña kjoa koi, mìkii mochjeén nga íjngó íjngó skaya koxki.

⁶ K'e nga jye k'oas'ín kisinchaàndaà tsojmì koi, jña nọ'miì, kjit'aà nachrjein fahas'en ya Ni'ya Tsjeè-la Nainá xi nikje, jè i'nde xi tijná ítjòn, nga síkitasòn xá-la nga beèxkón Nainá. ⁷ Tanga jè i'nde xi ma-ne jò, ta jè tajngoò nọ'miì ítjòn fahas'en jngoò k'a nga jngoò nó; k'e nga fahas'en, tjinè-la nga jní-la cho 'ba xi tsját'aà-la Nainá kjoa xi tìts'e-ne jé-la kọ ngats'ii jé-la xita naxandá, jña xi mìkii tjiìnn-la tsà jé ótsji. ⁸ Jè Inima Tsjeè-la Nainá k'oaa s'ín síkichiya-ná, k'e nga tákó jè tímochjeén Ni'ya Tsjeè xi nikje xi kisindaà ítjòn, kj'eè kii táx'a'nde nga koma kitjás'eén jè i'nde xi Issa 'Nó Tsjeè. ⁹ Jña kjoa xi komà kjõtseé, tà kjoa mangàsòn-né koni s'ín tíma nachrjein i'nde; nga jña kjotjò kọ jní-la cho xi kixíxteén i'nde jè, tsjin-la nga'ño nga sùjtsjeè kjohítsjeén-la xita xi k'oas'ín beèxkón Nainá. ¹⁰ Kjoa koi, tà kjoa ts'eé yijo-la xita, mé tsojmì xi ma chine kọ xi ma 'yò, kọ kós'ín sítsjeè yijo-la xita; tà k'oaa s'ín tjen kochjeén skanda k'e nga jè Nainá sùikjatjia-la ngats'ii kjoa koi.

Nga'ño xi tse tjin-la jè jní xi tsibíxteén Cristo

¹¹ Tanga jyeé j'ii Cristo nga nò'miù ítjòn tíjna it'aà ts'e kjondaà-là Nainá xi jye tíma. Yáá jahas'en Ní'ya Tsjeè-là Nainá jè xi ìsa 'ñó ndaà choòn kò xi ìsa kixi tjin, nga mìtsà tsja xita kisindaà-ne jè xi tsò-ne kjoa nga mìtsà i it'aà nangui kisindaà. ¹² Cristo, jngoò k'aá jahas'en ya I'nde Tsjeè. Mìtsà tì jní-là tindsó kò jní-là nchraja jahas'en-kò-ne. Ts'e sobá jní jahas'en-ne. K'oaá s'in kis'in nga tsibíchjítjì jé-ná, mé-ne nga komà kisikítsajnandeíí-ná nita mé nachrjein-ne. ¹³ Jè jní-là nchraja kò jní-là tindsó kò chijo-là nchraja kitì xi nchraja chjoón ki'ndí, maá-là sítsjeè yijo-là xita xi xa'ya-là k'e nga xixteèn-jno. ¹⁴ Tsà k'oaá s'in bitasòn kjoa koi, jè jní xi tsibíxteèn Cristo, isaá tse nga'ño tjin-là. Nga it'aà ts'eé nga'ño-là Inima Tsjeè xi tijnakon nita mé nachrjein-ne nga kitsjaà kjotjò-là Nainá yijo-là xi mìtsà mé jè tjin-là. Jè jní-là Cristo sítsjeèya kjohítsjeèn-nò nga mì tì kii koa tìs'in s'en-nò kjoa xi fiko-ná kjoabiyaà, mé-ne nga ma sixá-là Nainá xi tijnakon.

Jè kjoa xitse xi tsibíndaàjìin Nainá kò xita

¹⁵ K'oaá ma-ne nga jè Cristo osijnajiìn osen koni s'in tsibí'ño jngoò kjoa xitse. K'e nga k'en ngajo-là xita, jè tsibíchjítjì jé-là xi tsohótsji xita k'e nga tisa jè tíhotíxoma kjoa xi kisindaàjìin ítjòn, mé-ne ngats'ii xita xi xó jaàjìin-ne tjoé-là kjotjò xi tsjá Nainá nita kjé-ne koni s'in kitsjaà 'én-là Nainá xi tso'ba kiichja-ne. ¹⁶ K'e nga jngoò xita mejèn-là síka'bí tso-jmì xi tjin-là, bindaà jngoò xojon xi bí'ño. Skanda k'eé mochjeén k'e nga biyaà jè xita xi bindaà. ¹⁷ Tanga xojon jè, nímé chjì-là k'e nga tikj'eé biyaà xita xi tsibíndaà; skanda k'eé chjì-là k'e nga

kɪyá. ¹⁸ Jè kjoa xi kisindaàjìn ítjòn k'oaá tɪs'ín kisindaàjìn nga cho k'en mé-ne komà kixíxteèn-ne jní. ¹⁹ Moisés, k'e nga jye tsibíxkejìn-la xíta naxandá ngats'iì kjotíxoma-la Nainá, ikjoàn kiskoé jní-la tindsó ko jní-la nchraja ki'ndí ko kisikájin nandá; ko kiskoé jngoò chrja-la yá hisopo ko tsja-la orrè xi inì kjoàn; jahajìn jní-la cho; ikjoàn tsibíxteèn-jno jè xojon xi tjít'aà kjotíxoma-la Nainá; k'ee tsibíxteèn-jno ngats'iì xíta naxandá. ²⁰ Moisés kitsò: “Jè jní jè xi síkixiya kjoa nga koma sikitasòn koni s'ín tsibíndaàjìn-ko-nó Nainá.” ²¹ Moisés, tikoáá tsibíxteèn-jno jní jè Ni'ya Tsjeè-la Nainá xi nikje ko ngats'iì tsojmì xi mochjeén k'e nga yaxkón Nainá. ²² Koni s'ín tíchja xojon xi tjít'aà kjotíxoma-la Nainá, mejèn tsà ngats'iì kjoa, saá jní matsjeèya-ne; tsà mìkì xíxteèn jní, mìkì koma jchat'aà-la jé-la xíta.

²³ K'oaá s'ín kjòchjeén nga jní-la cho matsjeèya-ne jè Ni'ya Nikje Tsjeè ko tsojmì xi tjíya xi mochjeén k'e nga yaxkón Nainá; jñà tsojmì koi, ta okó-né koni choòn ján ngajmì; tanga jñà xi tjín ngajmì, mochjeén-né nga biyaà jngoò xi isa xkón tjín mé-ne koma kotsjeèya-ne.

²⁴ Tanga Cristo, mìtsà ya jahas'en Ni'ya Nikje Tsjeè xi tsja xíta kisindaà-ne, xi ta okó xi tjín ngajmì. Cristo, nguì yaá jahas'en ngajmì nga nguixkon Nainá nga tíchjatjì-ná. ²⁵ Mìkì k'oas'ín kjìn k'a jahas'en ya ngajmì nga kitsjaàt'aà kjotjò yijo-la, koni s'ín nò'mì ítjòn nga xkì nó fahas'en I'nde xi 'Nó Tsjeè, nga fahas'en ko jní xi mìtsà ts'e. ²⁶ Cristo tsà kjìn-la k'a jahas'en ngajmì tikoá tjínè-la nga kjìn k'a sìkjeín kjo'in kó-ne skanda

kisindaà isò'nde. Tanga j'ndeì, nga jye tífehet'aà nàchrjein, ta jngoò k'a j'ìi nga kitsjaà kjotjò yijo-la nga tsibíxteèn jní-la, mé-ne nga kitjaàxìn-ne kjoa ts'e jé nita mé nàchrjein-ne. ²⁷ K'oaá s'ín tjín nga ngats'ìi xita, ta jngoò k'a biyaà, ko iskan kjoíi jè nàchrjein nga sindaàjìn-la. ²⁸ K'oaá tis'ín tjín it'aà ts'e Cristo, ta jngoò k'a kitsjaat'aà kjotjò yijo-la nga tsibíxteèn jní-la, mé-ne nga kjin xita tjáxìn-ne jé-la. Xi ma-ne jò k'a, kitjojen ijngoò k'a-ne ngajmii; mitsà ti jé kjoaáxìn-ne; koií xá kjoíi-ne nga kochrjekàjìn kjo'in jña xita xi nchikohna-la.

10

Mé-ne 'ño chji-la jè kjoa biyaà-la Cristo

¹ Jè kjotíxoma-la Nainá xi kitjoé-la Moisés, mitsà nguì jña kjondaà xi iskan j'ìi; ta 'nguién-la né xi tsakó. K'oaá ma-ne nga jngoò k'a mikii koma nguì tsjeè sikkítsajna xita xi xki nó síchrañat'aà-la Nainá nga tijña tijña kjotjò tsjá-ne. ² Jè kjotíxoma, tsà jngoò k'a kisitsjeèya jé-la xita, mì-la ti kii sikkájno-ne tsà jé tjín-la; tikoáá mì-la ti kii jní-la cho tsjá kjotjò-ne. ³ Tanga jè jní-la cho, xki nó xki nó síkítsjeèn-ya jé-la xita. ⁴ Nga jè jní-la nchraja ko jní-la tíndsó mikii ma-la faáxìn jña jé-la xita.

⁵ Cristo, k'e nga j'ìi i isò'nde kitsò-la Nainá: Majìn-lè jní-la cho xi biyaà, ko kjotjò xi tsját'aà-lè xita, tanga jè yijo-na kinikíjnandei.

⁶ Mikii sasén-lè cho xi kiti, ko ni jña kjotjò xi tsjá-lè xita xi kjoa ts'e jé-la.

⁷ K'ée kichjà, kixan-lè: “Koni s'ín tíchja xojon-lè xi it'aà ts'an,

íí tìjṇaa nga sikitasoàn koni s'ín mejèn-lè,
jì xi Nainá 'mì-lè.”

⁸ Cristo, ítjòn kitsò: “Majìn-lè kọ m̀kìì sasén-lè jnì-là cho xi biyaa kọ kjotjò xi tsjá-lè x̣ìṭa, cho xi kitì kọ kjotjò xi tsjá xi kjoa ts'e jé-là”, nas'ín k'oas'ín tíchja kjotíxoma nga t́jínè-là nga koatjín xi tsjá x̣ìṭa.

⁹ Ikjoàn kitsò isa: “Íí tìjṇaa nga sikitasoàn koni s'ín mejèn-lè.” K'e nga os'ín kùichja, tsòyaa-ne nga jè Cristo jaàxìn jè kjoa jchínga mé-ne nga kisikíjna ngajo-ne xi kjoa x̣ìṭse. ¹⁰ K'oaá s'ín komà nga kisìtsjeèya inìma-ná Nainá it'aà ts'e Na'èn-ná Jesu-cristo k'e nga kos'ín kisikitasòn koni s'ín mejèn-là Nainá nga ta jngoò k'a kitsjaà kjotjò yijo-là n̄ìṭa kjé-ne k'e nga k'en.

¹¹ Ngats'ìì nọ'mùì, nàchrjein nchijòn síkitasòn xá-là nga kjìn k'a tsját'aà-là Nainá xi t̄jñà t̄jñà-ne kjotjò xi m̀kìì ma-là faáxìn jé-là x̣ìṭa. ¹² Tanga Jesucristo ta jngoò k'a kitsjaàt'aà kjotjò yijo-là kjoa ts'e jé n̄ìṭa kjé-ne, ikjoàn tsibìjnat'aà chrja kixi-là Nainá. ¹³ Yaá tíkoña skanda k'e nga kijchò nàchrjein nga jñà x̣ìṭa kondra-là sìichja nga jè Nainá sìikítsajnangui ndsokọ. ¹⁴ Ta jngoò k'aá kitsjaàt'aà kjotjò yijo-là mé-ne nga nguì ndaà kjòkixiya-ne x̣ìṭa n̄ìṭa kjé-ne, jñà x̣ìṭa xi tímatsjeè. ¹⁵ Jè Inìma Tsjeè-là Nainá ndaà síkixiya-ná kjoa koi; nga sà ítjòn tsò-né:

¹⁶ Jè kjoa jè xi kìndaàjììn-koaa jñà x̣ìṭa k'e nga jye koma iskan, tsò Na'èn-ná: Jñà kjotíxoma-na sìkíjnajñà inìma-là, kọ yaá skiaa jìjìn kjohítsjeèn-là.

¹⁷ Ikjoàn tsò-isa:

'An, mì tì kùì sìikítsjeèn-na jé xi t́jín-là

kò ngats'ìi kjoa ch'o xi s'ín.

¹⁸ K'e nga jye jchat'aà-ná jé-ná, mì tì mé kjotjò kochjeén-ne xi kjoa ts'e jé.

Mé kjoa-ne nga isa ndaà kinchat'aà chraña-lá Nainá

¹⁹ Jñò ndí 'ndsè, k'oaá ma-ne nachrjein i'ndeí, tíj'nde-ná nga kitjás'eén jè i'nde-lá Nainá xi 'Nó Tsjeè, koií kjoa-lá jè jní xi tsibíxteén Jesús. ²⁰ Nga jè kiskíx'a jngoò-ná ndiyá xitse xi fikò-ná ñánda tíjín kjoabinachon, nga koma kotokjá jè nikje cortina xi tjohóya jngoò osen i'nde Tsjeè-lá Nainá. Jè nikje, k'oaá ngaya-lá koni yijo-lá Jesús.

²¹ Nga tíjín jngoò-ná nò'mùì xi 'nó jeya tíjna xi otíxoma ya ni'ya-lá Nainá. ²² K'oaá ma-ne nga mochjeén-né nga isa ndaà kinchat'aà chraña-lá Nainá, nga nguì kixì sikkíjnaá inima-ná kò nguì tíjngoò takoán xi it'aà ts'e, nga jè Cristo jye kisitsjeè inima-ná kjoa ts'e jé, kò jè yijo-ná, k'oaá ngaya-lá koni tsà nguì nandá tsjeè tsaníjno-ne.

²³ Kixì kitsajnakoaá kjoa xi titsachiña-lá koni s'ín mokjeiín-ná nga mì kijen kikjá-lá takoán; nga Nainá, xita kixì-né, sikkitasòn-né koni s'ín jye kitsjaà 'én-lá. ²⁴ Kínchatsji'nde-lá nga 'én ndaà kinókjoa-lá xinguiáá mé-ne nga isa ndaà s'e-ná kjotsjacha; kò s'eén kjoa xi ndaà tíjín. ²⁵ Mikii sijchayaá jè nachrjein k'e nga bixoñaá, koni s'ín i'nga xita nga mì tì kii bixoñat'aà-lá xíkjín. Ta saà mochjeén-né nga k'oi-lá nga'ño xinguiáá nga jngoò ìjngoò; isaá 'nó kos'iaán k'e nga yaá nga jye tinchrobá machraña nachrjein-lá Nainá.

²⁶ Tsà k'oas'ín tíjín takoán nga kínchatsji jé isaá k'e nga jye kiyaxkoaán kjoa kixì-lá Nainá, mì

tí mé jní koma xíxteèn-ne xi ma kjoaáxìn jé-ná.
²⁷ Tà jè kòkò ìsà-ná kjo'in xi 'ńó xkón t́jín kò
 nì'ín jngà xì síkjesòn yije xítà xi kondrà fì-là
 Nainá. ²⁸ K'e nga tsà jngoò xítà xi mìkìì síkitasòn
 kjotíxoma-là Nainá xi kitjoé-là Moisés, tsà t́jín jò,
 jàn xítà xi tsjá 'én nga kixì kjoa, mìkìì mahimàcha,
 nìk'en-né. ²⁹ ¿Kós'ín beè-là takòn jńò, a mìtsà ìsà
 tse kjo'in ok'in-là jńà xítà xi binchanè jè Kì'ndí-là
 Nainá, kò ochrjekàngui jè jní xi tsibíxteèn, kò t́kòá
 chjajno-là Inìma Tsjeè-là Nainá xi t́jín-là kjondaà?
 Jè jní xi ochrjekàngui, jè-né xi Nainá kisíkjeén
 nga tsibíndaàjìin-kò xítà jngoò kjoa xítse, kò jè
 xi kisítsjeè-ne inìma-là xítà koi. ³⁰ Jyeé t́jìin-ná
 nga k'oáá tsò Nainá: “‘Áán okò-na nga tsjaà-là
 kjo'in xítà, 'áán tsjaà-là chjì-là.” Íjngoò k'a tsò: “Jè
 Nà'è-ná kùindaàjìin-là xítà naxandá-là.” ³¹ ¡Taxkì
 'ńó tse kjo'xkón t́jín k'e nga yà kàyaá tsja Nainá xi
 t́jínakon!

³² Tanga t́kítsjeèn kós'ín komàt'ioòn nàchrjein
 xi jye tsato, k'e nga sà kina'yà ítjòn 'én kixì
 xi kisíhiseèn-nò, nga kichìkjoa-nò nga tse kjo'in
 kinìkjioòn. ³³ Kis'eé nàchrjein k'e nga jńà xítà
 kùichjajno-nò kò kiskaàn-kò-nò nga nguìxkòn xítà
 naxandá. T́kòáá kis'eé nàchrjein nga jńò kitsjahi-
 jtakò jńà xítà xinguiòo xi t́kòá kjo'in nchisìkjeiín.
³⁴ Jńò, kjòhimàcha xítà xi kjo'in nchisìkjeiín nga
 ndayá t́tsajna; kò t́kòá mìkìì kòjti-nò k'e nga
 kjòchijé-nò tsojmì-nò, ta sàá kjòtsjaá-nò nga jye
 t́jìin-nò nga ján ngajmì t́jín-nò tsojmì xi ìsà ndaà
 kjoàn xi mìkìì fehet'aà nítà mé nàchrjein-ne. ³⁵ Kì
 nìchija-jèn koni s'ín kjit'aàtakòn Nainá nga yáá
 tjoé-nò jè xi 'ńó tse chjì-là. ³⁶ Mochjeén-né nga

s'e-nò kjoatsetakòn kjoa ts'e kjo'in, mé-ne k'e nga jye k̄itasòn koni s'ín mejèn-là Nainá, tjoé-nò xi tsjá-nò koni s'ín jye kitsjaà 'én-là xi tso'ba kiichja-ne. ³⁷ K'oaá s'ín chja xojon xi tjit'aà 'én-là Nainá nga tsò:

Ta jngoò tjò chja-là nga kjoí jè xi sa nchrobá.

Mikiì kochrjein-là.

³⁸ Jè xi xita kixi kijnakon-né nga mokjeiín-là,

tanga tsà kosit'aà xìn, mikiì sasén-là inima-na.

³⁹ Tanga jñá, mì k'oaá s'eén koni s'ín xita xi its'in fi-ne nga síchja inima-là. Ta saá ya kjaán ya i'nde ñánda kitjokajin kjo'in inima-ná koi kjoa-là nga mokjeiín-ná.

11

Kjoa xi mokjeiín-ná

¹ Jè kjoa xi mokjeiín-ná, jè-né nga tjín kixi nga tjoé-ná jñà kjoa xi chiñá-lá; jè-né nga tjingoò takoán nga k̄itasòn nas'ín mikiì tita'yaá xi kjoa n̄iton. ² Jñà xita jchínga kjòtseé, koi kjoa-là nga kòkjeiín-là nga ndaá ki'ya-là.

³ Ta koi-né nga mokjeiín-ná nga k̄os'ín machiya-ná nga jè Nainá, tà koó 'én-là tsibíndaà isò'nde; kisikatsjèn tsojmì xi mikiì tsejèn nga sa ítjòn.

⁴ Abel, koi kjoa-là nga kòkjeiín-là, kitsjaàt'aà-là Nainá kjotjò xi isa 'ñó ndaà kjoàn, mì k'oaà-ne koni ts'e Caín. K'oaá s'ín komà-ne nga xita kixi kitsò-là Nainá Abel; kiskoé kjotjò xi ijchòko-là; skanda nachrjein i'nde, tákó k'oaá s'ín tíchja nga mokjeiín-là, nas'ín jye k'en.

⁵ Enoc, tikoáá kòkjeiín-là; k'oaá s'ín komà-ne nga kiikò tikon Nainá ján ngajmù; mì tì kiì kisakò-ne k'e nga jye kiikò. K'e nga sa tsibìjna ì isò'nde, Enoc, k'oaá s'ín ki'ya-là nga ndaà kisaseèn takòn Nainá. ⁶ Tsà mìkiì mokjeiín-ná it'aà ts'e Nainá, mìkiì koma s'eén kjoa xi sasén-là Nainá. Jè xita xi síchrañat'aà-là Nainá mochjeén-né nga ndaà kòkjeiín-là nga tìjna Nainá, tikoá kòkjeiín-là nga ngats'ì xita xi ótsji Nainá, tsjá-là kjotjò xi ndaà tjin.

⁷ Noé koií-né nga kòkjeiín-là, k'e nga tsibénajmí-là Nainá kjoa xi iskan koma, kisikitasòn; koó kjoxkón-là nga tsibíndaà jngoò chitso xi 'nó je kji, mé-ne nga mìkiì kiyá-ne jña xita ni'ya-là. Noé, nga ndaà kòkjeiín-là, k'oaá s'ín tsibínè-là kjo'in xita isò'nde nga jè tjin-là; kò jè Noé kitjoé-là kjotjò xi tsjá Nainá nga xita kixi kitsò-là ta koií kjoa-là nga kòkjeiín-là.

⁸ Abraham, nga kòkjeiín-là k'e nga kiichja-là Nainá, kisikitasòn. Itjokàjiin nangui-là, kii ya i'nde ñánda tà kjotjò tsjá-là Nainá, tanga skanda mìkiì tíjiin-là ñánda tífi. ⁹ Koií kjoa-là nga kòkjeiín-là, nga kos'ín kisìjchá yijo-là koni tsà xita xi xìn nangui-là nas'ín ya tsibìjna ya i'nde ñánda nga k'oa kitsò-là Nainá nga tsjá kjotjò-là. Ni'ya nikjeé tsibijnaya. Nga kiì-isa nàchrjein, k'oaá tì komàt'in jè Isaac kò Jacob, xi tikoá k'oas'ín kitsjaà-là 'én Nainá nga ts'e koma nangui. ¹⁰ Abraham tíkoña jngoò-là naxandá xi 'nó ndaà tjin tàts'en chrjó-là, nga jè Nainá kiskoòsòn-là kós'ín sindaà kò tije-ne Nainá tsibíndaà.

¹¹ Koií kjoa-là nga kòkjeiín-là Abraham, nga nas'ín chjoón 'ndi jè chjoón-là xi 'mì Sara, kò nas'ín jye 'nó xita jchínga, kis'eé-là nga'ño nga kisakò

jngoò-la ki'ndí jè Sara, koií kjoa-la nga kòkjeiín-la nga Nainá sùikitasòn koni s'ín jye kitsjaà-la 'én-la. ¹² K'oaá ma-ne nga ta jè tajngoò xita jè, nas'ín jye tífehet'aà nachrjein-la, kjìn jchán ma ixti-la xi tje ts'e k'oaá ngaya-la koni jñà ni'ño xi tjín ngajmii kò tso mi xi jncha indii ndáchikon nga mikiì ma maxkeya.

¹³ Ngats'ii xita koi, k'oaá s'ín mokjeiín-la skanda k'e nga k'en, nas'ín mikiì kitjoé-la tsojmi xi Nainá k'oas'ín kitsjaà 'én-la nga tsjá-la; ta k'oaá s'ín kjòchiya-la koni tsà ta kjìin kijtsee-ne; tsjaá kis'e-la nga kitsò nga mìtsà i i'nde-la, ta nchifahato-né nga títsajna i it'aà nangui. ¹⁴ Jñà xita xi koatsò, k'oaá s'ín bénojmi kixi-né nga saá nchihótsji jngoò nangui xi nguì ts'e koma. ¹⁵ Tsà jè nchisíkitsjeèn nangui ñánda itjokàjìin, okixi-né komá-la kii lingoò k'a-ne i'nde ñánda inchrobà-ne. ¹⁶ Tanga jngoò i'nde nchihótsji xi isa ndaà choòn, i'nde xi ts'e ngajmii. K'oaá ma-ne nga jè Nainá, mikiì masobà-la nga kitsò-la xita: jè jèe xi Nainá, nga jyeé kisikijnandaà jngoò-la i'nde ñánda naxandá-la koma nga ya kítsajna.

¹⁷ Abraham, k'e nga kichit'aà, koií kjoa-la nga kòkjeiín-la nga kiskoé Isaac nga kitsjaàt'aà kjotjò-la Nainá. Tsibijnandaà nga tsjá-la ki'ndí-la xi ta jè tajngoò-ne, nas'ín xó k'oas'ín kitsjaà-ne 'én Nainá it'aà ts'e ki'ndí-la, k'e nga kitsò: ¹⁸ “It'aà ts'e Isaac, kjìn jchán koma xita tje-lè.” ¹⁹ Abraham k'oaá s'ín kisikitsjeèn nga Nainá tjín-la nga'ño nga ma-la síkjaáya-la xita nas'ín jye k'en. Kitjoé lingoò k'a-la ki'ndí-la koni tsà jaáya-la it'aà ts'e kjoabiyaà.

²⁰ Isaac, koií kjoa-la nga mokjeiín-la nga

kisìjèt'aà-là Nainá nga kàtasíchikon-t'in Jacob kò Esáu ìt'aà ts'e kjoa xi ìskan koma.

²¹ Koií kjoa-là nga mokjeiín-là Jacob, k'e nga jye tíbiyaà, kisìjèt'aà-là Nainá nga kàtasíchikon-t'in ingajò ìxti-là José; síngui'ño tsja yá nise-là nga jeya kisikíjna Nainá.

²² Koií kjoa-là nga mokjeiín-là José, k'e nga jye tíbiyaà, tsibénojmi kós'in komat'in jña xita Israel nga kitjokàjiin naxandá Egipto. Tíkòa kitsjaà okixi ìt'aà ts'e nindaà-là ñánda kjiiko.

²³ Xita jchínga-là Moisés, koií kjoa-là nga kòkjeiín-là nga jàn sá kisikíjna'ma ki'ndí-là k'e nga sà kits'iin, nga kijtseè nga 'ño ndaà kji isén-là ki'ndí-là, kò mikiì kitsakjòn-là kjotíxoma-là xitaxá ítjòn ts'e naxandá Egipto.

²⁴ K'e nga jye kòjchínga Moisés, koií kjoa-là nga kòkjeiín-là nga mikiì kisaseèn-là nga nea-là kitsò-là tsòti-là faraón. ²⁵ Tà saá jè jaàjiin nga kjo'in kisikjeiín kò naxandá-là Nainá, mì k'oa-ne nga kjotsja tsjá-là yijo-là xi kjoa ts'e jé. ²⁶ K'oaá s'in kiskoòsòn-là nga isa 'ño chjí-là kjo'in xi sìikjeiín xi ìt'aà ts'e Cristo mì k'oaá-ne nga kjotsja tsjá-là yijo-là xi kjoa nchiná ts'e naxandá Egipto. Kiskoñákjoaá-là kjondaà xi ìskan tsjá-là Nainá.

²⁷ Koi-né nga tíkòa kòkjeiín-là nga itjokàjiin naxandá Egipto; mikiì kitsakjòn-là kjoajti-là jè xitaxá ítjòn; kixií tsibijna koni tsà xkon tibeè-ne Nainá xi nì saá jngoò xita beèxkon.

²⁸ Moisés, nga kòkjeiín-là, tsjachrje s'eí Paxko. K'oaá kitsò-là ngats'iì xita Israel nga jní sìikaàjno xotjoa ni'ya-là mé-ne jè àkjale-là Nainá mikiì sìik'en jña xi ki'ndítjòn-là ts'e xita Israel.

²⁹ Jǎà x̄ita Israel, nga kòkjeiín-la, tsatojiín jè xi 'mì Ndáchikon Inì koni tsà nangui kixì. Jǎà x̄ita Egipto, k'e nga kijtseè, mejèn-la nga k'oa t̄is'ín kis'iín, t̄anga ta yaá k'en yije ya j̄iín ndáchikon.

³⁰ Nga kòkjeiín-la x̄ita Israel, kisikixòjen chrjó xi tjíndiì-la n̄axandá Jericó, k'e nga jye kjò itoò n̄achrjein bítjindiì-la jé n̄axandá. ³¹ Koií nga kòkjeiín-la Rahab xi chjoón chijngui nga mì ya k'en-ko jǎà x̄ita xi mìkiì mokjeiín-la, koií kjoa-la nga ndaà kijtseètjò jǎà x̄ita Israel xi ítjòn ijchò kotsejèn 'ma-la nangui.

³² ¿Mé kjoa xi kènojmī isa? Mì-la kiì chíya-na n̄achrjein nga kichjà it'aà ts'e Gedeón, ts'e Barac, ts'e Sansón, ts'e Jefté, ts'e David, ts'e Samuel kò ngats'iì x̄ita xi kiìchja ngajo-la Nainá. ³³ Koií nga kòkjeiín-la x̄ita koi nga kis'e i'nga xi kisikijne-la kjoa ts'e kjojchán, xi kixì tsibíndaajiín kjoa, xi Nainá kitsjaà-la koni s'ín jye kitsò-la xi tso'ba kiìchja-ne, xi tsibíchjoajtò tso'ba xa. ³⁴ Kis'eé i'nga xi kisikits'o nga'ño-la ni'ín jnga, xi itjomachinga-la nga kichà ndojò k'en-ne, xi kis'e òjngoò k'a-la nga'ño n̄as'ín xk'én kjoàn, xi kis'e-la nga'ño kjoa ts'e kjojchán, xi kisikijne-la x̄ita kjojchán xi kondra ts'e. ³⁵ Kis'eé i'nga íchjín xi kitjoé òjngoò k'a-la x̄ita xíkjín xi jye k'en nga jaáya-la.

T̄anga tjín i'nga xi ya k'en-j̄iín kjo'in; mìkiì kjòmejèn-la nga tsibítsaj̄nandej̄í, nga k'oaá s'ín kjòmejèn-la nga isa ndaà kítsaj̄na k'e nga kjoaáya-la. ³⁶ Xi i'nga, kisikjeiín kjo'in nga kinisobà-la, kiskaàn-ko x̄ita, skanda na'ño kichà cadena kisit'aà'ño iya ndayá. ³⁷ Tjín i'nga xi ndajo kisinè nga kinik'en; tjín i'nga xi kichà serrote

kjòjòya-ne; tjin xi kicha ndojò k'en-ne. Xki xi ján chinchimasòn, tà chrjoa-la orrè kò chrjoa-la tindsó tsakakjá nga 'ño ima chinchima, tseé kjo'in kis'e-la kò 'ño ki'yatoòn. ³⁸ Jña xita koi, nga 'ño ndaà kòkjeiin-la it'aà ts'e Nainá, skanda mikì ok'in-la nga i tsibitsajna isò'nde. Xki xi ján chinchimasòn ya i'nde it'aà xìn ñánda nangui kixi choòn, kóhokji ijìin ijña kò ingui nguijo kò ngajo xi tix'a ijìin nangui.

³⁹ Ngats'ìi xita koi, koni s'in nga ndaà kòkjeiin-la ndaà ki'ya-la, tanga njngoò kitjoé-la xi Nainá tjin-ne nga tsjá-la koni s'in jye kitsjaà-la 'én-la. ⁴⁰ Nainá tsibíndaà jngoò-ná kjoa xi isa 'ño ndaà tjin, mé-ne jña xita koi, ngàsòn kóngàsòn-kjoaá nga nime chíjat'aà-ná nga kixi kitsajnaá.

12

Ndaà chítsejèn-là Jesús

¹ Nga 'ño kjin ma-ne xita xi títsajnandii-ná xi ndaà mokjeiin-la, k'oaá ma-ne nga tikoáá jña, jngoò k'a siksajnaá ngats'ìi kjoa xi s'in-ná kò kjoa ts'e jé xi tsobà'ño-ná nga konachan-ná; mochjeén-né nga k'oa s'in s'een koni jngoò xita xi ongachikon nga chikjoako-la nga kijchò skanda ñánda nga tjin-nè-la nga kijchò. ² Ndaà chítsejèn-là Jesús; jé tsibits'ia ítjòn koni s'in mokjeiin-ná kò jé síjngoò kjoa koni s'in mokjeiin-ná. Jesús nga jye tíjìn-la nga koma iskan s'ee-la kjotsja, k'oaá ma-ne nga kichikjoa kò-la kjo'in it'aà krò, mikì kjòsobà-la koni s'in k'en; ikjoàn tsibíjnat'aà chrja kixi-la Nainá nga ya tíhotíxoma.

³ Tíkítsjeèn ìt'aà ts'e Jesús; kichìkjoa koó-la kjo'in xi tsibínè-la jñà xità jé, mé-ne jñò mikiì kijta-nò ko mikiì sikhàjeèn-là takòn. ⁴ Koni s'ín titsabixkàn-ko kjoa ts'e jé, kj'eè tsà yá xità xi tsò ikon nga sík'en-nò. ⁵ ¿A jye kijchàajìin-nò koni tsò-nò Nainá nga ixti-la tsò-nò? K'oaá s'ín tíchja xojon xi tjít'aà 'én-la Nainá nga tsò:

Nga ki'ndí-na xan-lè, kì nachrjekàngui-jèn k'e nga síkixiya-lè Na'èn-ná,

ko kì nìkjajen-la takòin k'e nga síkaká-lè.

⁶ Na'èn-ná síkixiya-né jè xità xi tsjakeè,

tsjá-la kjo'in ngats'ì xi kjoétjò nga ki'ndí-la tsò-la.

⁷ Nainá k'oaá s'ín beèhikon-nò nga ki'ndí-la tsò-nò; tìkjioón k'e nga kjo'in tsjá-nò. Ngats'ì xi Na'èn ma, tsjá-la kjo'in ixti-la nga síkixiya. ⁸ Tanga tsà Nainá mikiì sìkixiya-nò koni s'ín síko ngats'ì xi ixti-la ma, mìtsà kixi kjoa nga nguì ixti-la Nainá maà. ⁹ K'e nga sa ixtiaá, jñà xità jchínga-ná xi tjín ì ìt'aà nangui, kisiíkixiya-ná koa ndaà kiyaxkoán. ¿A mìtsà isa ndaà jchaxkoán Na'èn-ná xi tjina ngajmìl, mé-ne nga kàtas'e-ná kjoabinachon? ¹⁰ Xità jchínga-ná ì ìt'aà nangui tsjá-ná kjo'in nga síkixiya-ná koni s'ín mejèn-la, nas'ín ta chiba nachrjein titsajnaá. Tanga Nainá síkixiya-ná xi kjondaà tsaján mé-ne nga tsjeè kìtsajnaá koni jè Nainá nga tsjeè tjina. ¹¹ Kixí kjoa, tsjín kjo'in xi kjotsja tsjá, tà kjoaba tsjá nga 'on ma-la yijo-ná, tanga komà iskan-ne s'eé-ná kjoa kixi xi 'nchán tjín nga ndaà kìtsajnakoaá Nainá ngats'iaá xi bìl'ndeé nga tímakixiyaá.

¹² K'oaá ma-ne nga tjìl-la nga'ñó yijo-nò, chjímìl'ngaà ndsaa xi mikiì ma síkjaníyá, ko xkó ndsokoò xi tsjìn-la nga'ñó; ¹³ tìinchátsjioò xi ndiyá

kixi nga kàtandaà-ne ndsokoò xi tsá'yá kji, mé-ne nga mikiì isa ndaà kotsó'ño-ne.

Kì binchat'aàxìn-là kjondaà-la Nainá

¹⁴ 'Nchán tìtsajnakoo ngats'iì xita; tsjeè tìtsajna nga nguixkon Nainá. Nga nijngoò xita skoexkon Nainá tsà mì tsjeè tíjna. ¹⁵ Ndaà chítsejèn nga nijngoò xita kosijnat'aàxìn-la kjondaà-la Nainá, mé-ne nga mì k'oaá s'ín komat'ioòn koni tsà jngoò xka ijñá kiso xi tsja ima-la xi síkits'ón xita nga tsjá ch'in-la. ¹⁶ Jñò, nijngoò xi xita chijn-gui koma, kì nachrjekànguioò tsojmì xì tsjeè; kì k'oaá s'ín 'nè koni kis'iìn Esaú nga tà jngoò chroba tsojmì xi ma chine tsatíjna-ne xi jè tjin-ne nga koko-la koni ki'ndí tjòn. ¹⁷ Jñò jyeé tíjìn-nò, k'e nga jye komà iskan, Esaú k'e nga kjòmejèn-la nga sùichikon-t'in na'èn-la, kinachrjekàngui-né, mì tì kii komà kjòchikon-t'in-ne, nas'ín takó 'ño kiskindàya.

¹⁸ [Koni s'ín komat'in xita Israel nga kjìn kjojkón kijtseè], jñò, mìtsà kos'ín ya ijchò kinchat'aà-là nindoò xi ma niko, jè nindoò ñánda títi ni'ín jnga, ñánda skanda mì tì kii kjòtsejèn-ne nga jño choòn ko ñánda tí'ba tjo xkón. ¹⁹ Mikiì kina'yà-là jta-la chrjo, tikoá mikiì kina'yà-là jta-la Nainá k'e nga kiichja. Jñà xi kiì'nchré-la Nainá, tsibítsi'ba-ne nga majìn-la nga kichja-isa, ²⁰ koií kjoa-la nga mikiì kichikjoa-la koni s'ín tjin kjotíxoma xi kisinè-la nga tsò: “Jè xita xi kosìjna jngoò ndsoko ya it'aà nindoò, nas'ín jngoò cho, ndajoó kiyá-ne ko tsà majìn kichaa kotosikjá yijo-la.” ²¹ 'Nó xkón tjin kjoa xi ki'ya-la, skanda tijè-ne Moisés kitsò: “Tsakjoòn jchán-ná skanda chiba-la tíhotsé-ná.”

²² Tanga jñò, yaá ijchò kinchat'aà-là nindoò Siòn, jè naxandá-là Nainá xi tíjnakon, xi tìjè-ne Jerusalén xi ts'e ngajmì, ñánda kjin jmi àkjale títsajna xi nchisítsjako Nainá nga jeya nchisíkijna, ²³ ñánda títsajnajtín ixti-là Nainá xi tjoé-là kjotjò xi ts'e ixtitjòn xi tjit'aà 'ín-là xojoñ ts'e ngajmì. Ijchò kinchat'aà-là Nainá xi xitaxá tíjna nga jè bíndaàjiin-là ngats'ì xita. Tikoáá ijchò kinchat'aà-là inima-là xita kixi xi Nainá jye kisitsjeè nga nímé chijat'aà-là. ²⁴ Ijchò kinchat'aà-là Jesús xi osìjnajiin-ná jngoò kjoa xitse ko jè jní-là xi kixíxteèn [nga kisitsjeè-ná] xi isa ndaá chja-ná mì k'oaá-ne koni ts'e Abel [xi síje nga sindaàjiin].

²⁵ Jñò, t'een kinda yijo-nò. Kì nachrjekànguioò jè xi tíchja-ná. Jña xita jchínga kjòtseé xi tsachrjekàngui koni s'ín kinokjoà-là i it'aà nangui nga kinikaká-là, mikiì tsajno-là nga kitjoé-là kjo'in. Jña, isaá 'ñó 'in tjin tsà kinachrjekànguiaá Nainá k'e nga skanda ján ngajmì chja-ná nga síkaká-ná; mikiì kojno-ná nga tjoé-ná kjo'in. ²⁶ Jè nachrjein jè, jta-là Nainá, skanda jè nangui kisìjtiya-là, tanga nachrjein i'nde, k'oaá tsò: “Ijngoò k'a sùjtiya-là, mìtsà tà jè nangui sùjtiya-là koò ngajmì.” ²⁷ Jè 'én, k'e nga tsò “Ijngoò k'a sùjtiya-là”, k'oaá s'ín machiya-ná nga tjáxin tsojmì xi xó kisindaà-ne, jña xi ma oníyá-là, mé-ne nga kítsajna-ne xi mikiì ma oníyá-là. ²⁸ It'aà ts'e Nainá tsjá-ná okixi nga ya kotixomakoáá ya i'nde ñánda mikiì ma oníyá-là. Ndaà chjí-là Nainá jña kjoa koi. Jeya sikhjnaá ko jchaxkoán koni s'ín sasén-là jè. ²⁹ Nga “jè Nainá, k'oaá ngaya-là koni ni'ín xi síkjesòn yije nita mé xi tjin.”

13

Kjoa xi mochjeén nga s'iin jñà xita-là Cristo

¹ Jñò, tìtsjacha xita xinguioo xi 'ndsè chibá xi it'aà ts'e Cristo. ² Kì nìjchàajioòn jñà xita xi bi-jchókon-nò ni'ya-nò, tìs'in-là nga kàtasíkjáya. K'oaá komàt'in i'nga xita, kiskoétjò xita xi mìkìl beèxkon, tanga àkjale-né.

³ Tìkìtsjeèn jñà xita xi ndayá tìtsajna; k'oa'sín t'è-là takòn koni tsà ngàsòn kjo'in tìtsajnaà. Tìkìtsjeèn jñà xita xi tíyatoòn koni tsà jñò xi tìkoà k'oa'sín tíyatoòn-nò.

⁴ Jñò xi jye chixàn, ngàsòn jchaxkón xinguioo. Kì ch'o bitsajnakoo xinguioo. Nga jñà xi kjoachijngui s'in, Nainá tsjá-là kjo'in.

⁵ Kì toón 'nó matsjacha; kàtajngoò takòn koni kji tjin-nò. Nainá k'oaá tsò: "Mìkìl tsjeiìn takòn-nò, kò mìkìl tajngoò sìikijna-nò." ⁶ K'oaá ma-ne nga ma k'oa'sín kixoán:

Jè Nà'èn-ná kòsìko-ná,
mìkìl kiskoán mé kjoa xi siko-ná xita.

⁷ Tìkìtsjeèn jñà xita xi chinha ítjòn nga tsakóya-nò 'én-là Nainá; tìkìtsjeèn kó s'in kisìjchá yijo-là xita koi kò k'oaá s'in chjinguì-là koni s'in kòkjeiìn-là.

⁸ Jesucristo mìkìl fatjìya, tìjè-ne ngojña, tìjè-ne nachrjein i'ndeì, kò tìjè-ne nita mé nachrjein-ne.

⁹ Kì kii nìs'in-là kjohìtsjeèn xi k'jeií tsò kò xi mìkìl yaxkon-là nga xìn ndiyá fiko-ná. Ìsáá ndaà tjin nga jè inima-ná s'e-là nga'ño it'aà ts'e kjondaà-là Nainá mì k'oaá-ne koni ts'e tsojmì xi ma chine; nga jñà tsojmì xi ma chine, nìmé nga'ño kitsjaà-là jñà xi k'oa tjin kjoa kisìs'in-là.

¹⁰ Jñá, tjín jngoò-ná i'nde tsjeè [ñánda kitsjaà kjotjò yijo-la Cristo nga k'en], tanga jñà nò'miì xì tákó yá síxá it'aà ts'e kjoa jchínga ya Ni'ya xì nikje, mìkiì tjí'nde-la nga tjoé-la kjondaà nga ya kokjen. ¹¹ Nga jè yijo-la cho xì sík'en jñà nò'miì, [mìkiì tjí'nde-la nga tjoé-la nga skine]; ta jè jní-la cho fiko jè nò'miì ítjòn yá i'nde tsjeè-la Nainá xì kjoa ts'e jé. Tanga jè yijo-la cho, it'aà xìn i'nde fiko nga tì. ¹² K'oaá tís'in komàt'in Jesús, it'aà xìn-la naxandá kisikjeiín kjo'in, mé-ne nga kisitsjeè-ne naxandá it'aà ts'e xì nguì jní ts'e. ¹³ K'oaá ma-ne jñá, kítjokàjñáá naxandá. Jè kjítjngui-lá Jesús nga síkjiaán-koaá kjo'in xì jè kisikjeiín. ¹⁴ Nga i it'aà nangui tsjìn-ná naxandá xì nguì jngoò k'a tjna nita kjé-ne; jè titsachiñá-lá naxandá xì iskan kotsejèn. ¹⁵ Koi kjoa-la mochjeén-né nga kjit'aà nachrjein jeya síkíjnaá Nainá it'aà ts'e Jesucristo koni jngoò kjotjò xì 'bì-lá Nainá, 'én xì nguì tso'baá bitjo-ne nga bènojmiá yá-né jè. ¹⁶ Kì nìjchàajioòn nga ndaà t'een, tjìì itsé-là xinguiòò mé xì tjín-nò; k'oaá tjín kjotjò xì sasén-la Nainá.

¹⁷ Tìkitasòn-lá jñà xita xì jncha ítjòn-nò, tiná'yañijon-là. Nga jñà síkinda-nò nga mì jchija inima-nò koi kjoa-la nga tjínè-la nga tsjá-la kindá Nainá. Tìkitasòn-lá koni s'in kítso-nò mé-ne nga nguì kò kjotsja-la sìlxá-ne nga mì ba s'e-la; tsà ba s'e-la, nímé kjondaà s'e-nò.

¹⁸ Tijét'aà-là Nainá it'aà tsajen, nga k'oaá s'in tijnòò takòn-jen nga ndaà tjín kjohitsjeèn-najen, mejèn-najen nga ndaà s'en-jen nita mé kjoa-ne.

¹⁹ Isaá ndaà síjé-nò nga tijét'aà-là Nainá xì it'aà ts'an, mé-ne nga kàtatsjá'nde-na nga nìton

kjìkon-nò.

'Én xi fehet'aà-ne

²⁰ Jè Nainá xi tsjá kjoa'nchán xi kisìkjaáya-la ìt'aà ts'e kjoa biyaà Na'èn-ná Jesucristo, xi paxtò ítjòn-la ts'e orrè, jè xi kò jní-la tsibí'ñó-ne jn-goò kjoa xitse xi mìkì kjoehet'aà nìta kjé-ne,

²¹ kàtasíkixiyandaà-nò ngats'ìi kjoa xi ndaà tjín, mé-ne nga kàtítasòn-ne koni s'ín mejèn-la Nainá; ìt'aà ts'e Jesucristo, k'oas'ín kàtasíkò-ná koni s'ín sasén-la Nainá. ¡Jeya kàtìjna Cristo nìta mé nàchrjein-ne! K'oáá s'ín kàtama.

²² Bitsi'bà-nò ndí 'ndsè, ndaà chjoétjò 'én xi tìkjiì-nò koni s'ín tìbìnè-nò nga ta chiba 'én tìkjiì-nò.

²³ Kàtasijiìn-nò jè 'ndseé Timoteo jye tìjnandeí-ne xi kjoa ts'e kjo'in; tsà kjoíi nìton, kjíko-ná k'e nga kjián katsejèn-nò.

²⁴ Tìixat'aà yije jñà xìta xi jncha ítjòn-nò kò ngats'ìi xìta-la Cristo. Jñà xi Italia ts'e nchisìhixat'aà-nò.

²⁵ Ngats'ioò, jè kàtìjnakò-nò kjondaà-la Nainá.

'Én-lā Nainá xi kjoa ts'e Jesucristo
New Testament in Mazatec, San Jerónimo Tecóatl
Mazateco de S Jeronimo Tecoatl; maa
(MX:maa:Mazatec, San Jerónimo Tecóatl)

copyright © 2013 Wycliffe Bible Translators, Inc.

Language: Mazatec, San Jerónimo Tecóatl

Translation by: Wycliffe Bible Translators, Inc.

Mazateco, San Jerónimo Tecóatl [maa], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, San Jerónimo Tecóatl

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

9f778253-d34e-5037-af35-7bca16479aa0